

Općina je iz razloga blagovremenog započinjanja procedura javnih nabavki i ugovaranja većih infrastrukturnih projekata dio istih planirala krajem protekle godine u okviru usvojenog rebalansa. Stoga su još u 2020. godini započeti postupci javnih nabavki za više od 3,7 miliona KM.

#### **Povrat sredstava finansiranja**

Servisiranje preuzetog dijela duga po stavci "Rezervisana sredstva za garancije date D.D. Toplana Tešanj" se vrši uredno, a u skladu sa planiranom dinamikom realizacije.

U izvještajnom periodu nije bilo dospjeća obaveza po osnovu kredita EIB.

#### **Zaključak**

Prvi kvartal je pokazao da su, bez obzira na krizu izazvanu pandemijom COVID-19, privredni i ekonomski tokovi na teritoriji lokane zajednice zadržani na jako visokom nivou, te da su i dalje iznad prosjeka Federacije BiH. To je dovelo do uvećanog ostvarenja prihoda i primitaka Budžeta Općine u izvještajnom periodu.

S druge strane, svjedoci smo sve teže epidemiološke situacije kako u većem dijelu BiH, tako i na teritoriji Tešnja. Ovakva situacija nalaže da se sa oprezom pristupa praćenju prihoda i poduzimanju eventualnih korekcija budžeta. Sve to će zavisi od konkretnih mjera koje će biti poduzimane od strane nadležnih institucija na svim nivoima vlasti.

Općinski načelnik sa službama će u narednom periodu kontinuirano pratiti sve eksterne utjecaje na Budžet i kretanje općinskih prihoda sa poduzimanjem neophodnih mjera i po potrebi predložiti Općinskom vijeću donošenje izmjena i dopuna Budžeta i drugih općinskih odluka.

**OPĆINA TEŠANJ  
OPĆINSKO VIJEĆE**

**OPĆINSKI NAČELNIK  
Suad Huskić, s.r.**

**Broj: 01-11-1-880-2/21**

**Datum: 29.04.2021. godine**

Na osnovu člana 13. Zakona o principima lokalne samouprave u Federaciji BiH (Sl. novine FBiH, broj: 49/06 i 51/09) i člana 14. Statuta općine Tešanj ("Sl. glasnik Općine Tešanj" broj: 11/07), Općinsko vijeće Tešanj na 5. sjednici, održanoj dana 28.04.2021. godine, donosi:

#### **ODLUKU**

**o usvajanju Akcionog plana održivog upravljanja energijom i prilagođavanja klimatskim promjenama općine Tešanj za period do 2030. godine**

#### **I**

Usvaja se Akcioni plan održivog upravljanja energijom i prilagođavanja klimatskim promjenama općine Tešanj za period do 2030. godine (engl: Sustainable energy and climate action plan), u daljem tekstu: SECAP.

#### **II**

Akcioni plan ima za cilj:

- da smanji emisije CO<sub>2</sub> (i prema mogućnosti, drugih stakleničkih plinova) na području općine Tešanj za najmanje 40% do 2030. godine, u odnosu na baznu godinu, efikasnijom upotrebom energije i većom upotrebom obnovljivih izvora energije,
- da poveća otpornost općine Tešanj na posljedice klimatskih promjena,
- da podijeli viziju, rezultate, iskustvo i znanje iz procesa izrade i implementacije SECAP s drugim lokalnim i regionalnim tijelima u okviru Evropske Unije i izvan nje putem direktne saradnje i razmjene, posebno u kontekstu Sporazuma Općinskog načelnika.

#### **III**

Općinski načelnik će formirati Radnu grupu za realizaciju *Akcionog plana održivog upravljanja energijom i prilagođavanja klimatskim promjenama Općine Tešanj*, sa zadatkom provođenja mjera i aktivnosti predviđenih Akcionim planom.

Radna grupa će svake godine izvještavati Općinskog načelnika, Općinsko vijeće i nadležno tijelo Sporazuma gradonačelnika o rezultatima realizacije Akcionog plana, te svake tri godine sačiniti izvještaj koji uključuje kontrolni inventar emisija.

#### **IV**

Ova Odluka stupa na snagu danom donošenja.

**OPĆINA TEŠANJ  
OPĆINSKO VIJEĆE**

**PREDSJEDAJUĆI VIJEĆA  
Amir Kurtić, s.r**

**Broj: 01- 49-2-288-12/19**

**Datum: 29. 04.2021. godine**